

«ՀԱՅ ՀՆԱՏԻՊ ԳՐԺԻ ՄԱՏԵՆԱԳԻՏՈՒԹԻՒՆ»

Հայաստանի Հանրապետական գրադարանի Հայ գրքի մատենադիտութեան բաժինը տպագրութեան է պատրաստում «Հայ Հնատիպ Գրքի Մատենադիտութիւն»ը, որն ընդգրկելու է աշխարհում 1512–1800 թուականներին լոյս տեսած հայերէն գրքերը, որոնք կոչւում են Հնատիպ գրքեր:

Հայ Հնատիպ գրքի մատենագիտութեան մէջ բացի գրքերից, մտնելու են նաեւ հայերէն տպագիր քարտէզներ, հմայիլներ, կոմիկներ, ինչպէս նաեւ օտար լեզուի տպագրուած այն բոլոր գրքերը, որտեղ կան հայերէն լեզուի տպագրուած քեկուի մէկ քառ, կամ մաթադասութիւն:

Հնատիպ գրքի մատենագիտութեան հրատարակութիւնը հետապնդում է մի քանի նպատակներ: Բացի այն, որ մատենագիտութիւնը կ'օգնի եւ կը հեշտացնի Հայ եւ օտարագիր գիտնականների աշխատանքը, որոնք կը ցանկանան զրադուել Հայ մշակութի պատմութեան ուսումնասիրութեամբ, այն ցոյց կը տայ բոլորին, թէ որքա՛ն հին է ու հարուստ մեր նախնիների մշակութիւնը, թէ զրանցից որքա՛նն է փրկուել Հայերիս բաժին ընկած անցեալի ճակատագրի փոթորիկներից եւ որտե՛ղ են գտնուում այժմ: Ահա այդ գոհարին, բայց հայրենասիրական նպատակն իրագործելու համար արդէն շուրս տարուց աւելի է, որ բաժինը աշխատում է զանազան միջոցներով հարստացնել Հայ գրքի մատենագիտութեան մէջ նշուած հնատիպ գրքերի թիւը: Մենք արդէն վերջացրել ենք մեր երկրի տարբեր քաղաքների խոշոր դպրաւարանների եւ անհատ գրասէրների գրքերի ստուգումը: Բայց չե՞ որ Հայ գիրքն էլ իր ժողովրդի նման թափառել է աշխարհով մէկ, ուստի նրանց մասին լրիւ տեղեկութիւն ունենալու համար անհրաժեշտ է դիմել մեր հեռուոր հայրենակիցների օգնութեանը:

«Հայ Հնատիպ Գրքի Մատենագիտութիւն»ը հրատարակուելու է 1967 թուականի Մայիսին: Մենք յոյս ունենք, մինչ այդ, խնդրել մեր հեռուոր բարեկամներին՝ նրանք չլիանան իրենց բաժինը դնել այդ մեծ հայրենասնուէր գործին:

Արդ դիմելու սփիւռքի Հայ գրասէրներին, խնդրում ենք կազմել իրենց քաղաքի խոշոր դրաւարաններում եւ անհատ գրասէրների մօտ եղած հնատիպ գրքերի ցուցակը, որտեղ պէտք է նշուի գրքի յեղինակը, վերագիրը, տպագրութեան վայրը, տպարանը, էջերի քանակը եւ քէ ո՞ւմ մօտ կամ որտե՛ղ է գտնուում տուեալ գիրքը: Կարող է պատահել, որ մեր ունեցած հնատիպ գրքերը մէկից կամ երկուսից աւելի չլինեն. հոյ չէ, որովհետեւ մեզ համար մեծ ուրախութիւն է մատենագրութիւնը թնկուող մէկ նոր սնունդ հարստացնելը: Իսկ լեթէ կը լինեն այնպիսի գրադարաններ՝ որտեղ հայերէն հնատիպ գրքերը այնքան շատ կը լինեն, որ դժուար կը դառնայ ցուցակ կազմելը, խնդրում ենք զրեւ մեզ, եւ մենք կ'ուզարկենք մեր կազմած հնատիպ

զրբերի ցուցակը, որը կը համեմատէ՞ ձեր գրքերի հետ եւ դիմացը կը նշէ՞ թէ այդ գրքերից ունէ՞ք թէ ոչ :

Եթէ ձեզ յայտնի են այլ անձինք, որոնք կարող են հնատիպ գրքեր ունենալ, խնդրում ենք գրէ՞ք մեզ նրանց հասցէները, որպէսզի մենք նոյն խնդրով դիմենք նաեւ նրանց օգնութեան :

Մենք անշուշտ դիտակցում ենք, որ այդ բաւական ժամանակ եւ ջանքեր պահանջող գործ է, սակայն յուսով ենք որ կը գտնուեն իսկական հայրենասէր անձինք որոնք կ'օգնեն մեզ, քանի որ դրա նպատակը սուրբ է եւ այն ոչ թէ մէկ կամ մի քանի հոգու պատուի գործ է, այլ՝ մի ամբողջ ժողովրդի :

Ոնգրում ենք ցուցակի վերջում գրէ՞ք ցուցակը կազմողի անունը, ազգանունը եւ պաշտօնը, որովհետեւ մեր մատենագիտութեան յառաջաբանում, ինչպէս եւ առանձին յօդուածով, մենք պէտք է մեր երախտագիտութեան խօսքը յայտնենք այս գործի բոլոր մօտիկ եւ հեռուօր օգնականներին, որոնք ջանք չեն խնայել մեզ օգնելու համար :

Անհամբեր սպասում ենք ձեր նամակներին :

Մեր հասցէն՝ Երեւան, Տէրեան 72, Միասնիկեանի անուան հանրապետական գրադարանի Հայ գրքի մատենագիտութեան բաժին :

ՏՆՕՐԷՆՈՒԹԻՒՆ

